

O Festival da Luz acollerá a Burning, Prada e Delorean

Uns trinta artistas participan na cuarta edición do certame que impulsa Luz Casal

ANDRÉS GALLEGO
Santiago

Miguel Poveda, Amancio Prada, Burning ou Delorean son algúns dos artistas que participarán na cuarta edición do Festival da Luz, que se celebrará en Boimorto (A Coruña) o 12 e 13 de setembro, e no que se darán cita preto dunha trintena de artistas. Na presentación no Centro Mans, a cantante e organizadora do evento, Luz Casal, avanzou algúns dos artistas confirmados do cartel deste festival, que cualifica de "único", e que este ano destinará os fondos recadados a Médicos sen Fronteiras.

O evento musical, que volverá por cuarto ano á localidade natal da cantante, tamén contará coas actua-

cións de Anni B. Sweet, Eladio y Los Seres Queridos, María del Mar Bonet, Óscar Ibáñez, Manos de Topo ou Juan Perro, entre outros artistas, moitos deles aínda por confirmar. "É un cartel único, diferente, no que se mesturan estilos musicais sen ningún tipo de pudor, porque sabemos que a música non ten por que estar necesariamente radicalizada", dixo Luz Casal, que opina que os diferentes públicos poden "cohabitar de xeito extraordinario".

Para a cantante galega, "este festival é único, non hai un festival que sexa benéfico e que lle dea un espazo á música, á historia da música deste país como este festival".

Así se referiu ao evento que este ano engade outro



A cantante Luz Casal, onte, durante a presentación do Festival da Luz. Foto: Cabalar/Efe

Entre os patrocinios, Gadisa, o concello de Boimorto e Banco Sabadell Gallego

Este anos os fondos recadados polo festival destínanse a Médicos sen Fronteiras

escenario máis, o que permitirá desenvolver dúas actuacións á vez. Tamén ampliará o espazo dedicado ao público infantil. Luz destacou o labor dos patrocinadores que apoian esta cita, entre outros o Concello de Boimorto, Gadisa ou o Banco Sabadell Gallego.

ENTRADAS. As entradas para o Festival mantéñense ao mesmo prezo que o ano pasado, custando 15 euros

para os dous días e 10, para un; e pódense adquirir a través de internet e nos puntos de venda habituais.

Ademais dunha cita musical, o Festival da Luz continúa coa celebración do Mercado da Luz. Este ano tamén haberá un concurso de deseño e repetírase o concurso de maquetas, *Cultivando música*, posto en marcha na anterior edición e que dá a coñecer grupos noveis.

Antón Vidal Andión, novo presidente de Galaxia

Santiago. Antón Vidal Andión é o novo presidente de Editorial Galaxia S.A., segundo acordou na última xuntanza o Consello de Administración e se proporá no seu momento á Xunta Xeral de Accionistas. Vidal Andión substitúe no posto a Benxamín Casal Vila, falecido o 30 de agosto de 2013. Dende entón desempeñaba a presidencia en funcións, con carácter provisorio, Alfonso Zulueta de Haz, vicepresidente primeiro.

Antón Vidal Andión (Pontevedra, 1948) é avogado e licenciado en Dereito pola USC. Pertenceu ao equipo fundador da Universidade de Vigo da que, en distintas etapas, foi xerente, vicereitor de asuntos económicos e asesor xurídico, posto este do que se xubilou recentemente. Na actualidade é vicevalador do Concello de Vigo. Outras etapas foi membro do Instituto de Mediación e Arbitraje, asesor das centrais sindicais USO e CSG e Árbitro Laboral do Consello Galego de Relacións Laborais.

O seu velleiro coa cultura galega e co galeguismo vén de moi cedo e ten dimensión tanto cultural como política. REDACCIÓN

28 E 29 DE MARZO
XXXV FEIRA DO VIÑO DE AMANDI
FESTA DE INTERESE TURÍSTICO
www.concellodeboimorto.com

El vino de Amandi será rey este fin de semana en Sober

El presidente del Atlético de Madrid, Enrique Cerezo, pregonará el ferial el 29, jornada central del evento

Sober. Todo está a punto en el concello lucense de Sober para festejar este fin de semana los 35 años de vida de la Feria del vino de Amandi. En esta ocasión, el presidente del Atlético de Madrid, Enrique Cerezo, será el domingo 29, a las 13.00 horas, en la plaza del Concello, el encargado de cantar las excelencias de estos caldos de la Ribeira Sacra, que ya se bebían en Roma, en la mesa de los cesáres, en la época imperial.

Una veintena de bodegueros pondrán a la venta y degustación sus afamados caldos en este certamen, decano de la denominación de origen Ribeira Sacra.

Esta trigésimo quinta edición del ferial estará dedicada al concello ourensano de A Teixeira, según anunció el alcalde soberino Luis Fernández Guitián.

Una gran carpa instalada en la



Enrique Cerezo. Foto: Efe

céntrica plaza del Concello será el recinto cubierto en el que se instalen los bodegueros participantes que, desde el sábado por la tarde, abrirán su puestos para ofrecer degustaciones. No faltarán los puestos de comida, ni las charangas y orquestas que animarán el ferial. A. ARNÁIZ

Seis certames galegos terán as axudas de cine e vídeo da Agadic

Santiago. A Agadic (Axencia Galega das Industrias Culturais) resolveu a convocatoria pública de subvencións 2015 para festivais do sector audiovisual galego coa adxudicación, en distintas contías, da dotación total de 90.000 euros entre seis eventos galegos dedicados á difusión dos diversos xéneros cinematográficos.

Deste xeito, percibirán financiamento a través destas axudas a pasada edición do Festival Cineuropa de Santiago (17.463,30 euros), e as próximas do Festival Internacional de Documentais Play-Doc de Tui (23.820,90 euros), o de Cans de Curtametraxes (22.196,08 euros), a (SS) Mostra de Cinema Periférico da Coruña (18.542,14 euros), as Xornadas de Cine e Vídeo en Galicia (Xociviga) do Carballiño (3.052,40 euros) e o encontro especializado en cine fantástico Freakmacine (FKM) da Coruña (4.925,18 euros). ECG